



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

Prot. n.3087

### ORDINÀNTZIA N.10 DE SU 24 DE MARTZU DE SU 2021

**Ogetu:** **Ulteriores mesuras istraordinàrias urgentes de cuntrastu eprevezzione de s'isparghidura epidemiològica dae COVID-19 in su territòriu regionale de sa Sardigna. Ordinàntzia in cunforma a s'art.32, comma 3, de sa lege de su 23 de nadale de su 1978, n.833 in matèria de igiene e sanidade pùblica.**

#### SU PRESIDENTE

- BIDU s'art.32 de sa Costituzione;
- BIDU s'Istatutu Ispetziale pro sa Sardigna e sas normas de atuatzione relativas;
- BIDA sa lege regionale de su 7 de ghenàrgiu de su 1977, n.1 chi cuntenit "*Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales*";
- BIDA sa lege de su 23 de nadale de su 1978, n.833 "*Istituzione de su servìtziu sanitàriu natzionale*" e in particolare s'art.32 chi disponet "*su Ministru de sa sanidade podet emìtere ordinàntzias de caràtere contingibile e urgente, in matèria de igiene e sanidade pùblica e de polìtzia veterinària, cun eficàtzia istèrrida a totu su territòriu natzionale o a parte de issu chi cumprendet prus regiones*", e puru "*in sas matèssis matèrias sunt emitidas dae su presidente de sa giunta regionale e dae su sindigu ordinàntzias de caràtere contingibile e urgente, cun eficàtzia istèrrida a manera rispetiva a sa regione o a parte de su territòriu suo chi cumprendet prus comunes e a su territòriu comunale*";
- BIDA sa declaratzione de s'Organizatzione mundiale de sa sanidade de su 30 de ghenàrgiu de su 2020 cun sa cale s'epidemia dae COVID-19 est istada valutada comente un'emergèntzia de sanidade pùblica de rilevànzia internatzionale;
- BIDA sa declaratzione de s'Organizatzione mundiale de sa sanidade de su 30 de ghenàrgiu de su 2020 cun sa cale s'epidemia dae covid-19 est istada valutada



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

comente un'emergèntzia de sanidade pùblica de rilevàntzia internatzionale;

- BIDA sa delibera de su Consìgiu de sos Ministros de su 31 de ghenàrgiu de su 2020 cun sa cale est istadu declaradu s'istadu de emergèntzia in su territòriu natzionale relativu a s'arriscu sanitàriu connessu a s'isvilupu de patologias chi derivant dae agentes virales trasmissibiles, finas a su 31 de triulas de su 2020, prorogadu a su 15 de santugaine de su 2020, a su 31 de ghenàrgiu de su 2021 e, in fines, a su 30 de abriale de su 2021;
- BIDA s'ordinàntzia de su Capu de su Dipartimentu de sa protetzione tzivile n.630 de su 3 de freàrgiu de su 2020 chi cuntenit "*Primos interventos urgentes de protetzione tzivile in relazione a s'emergèntzia relativa a s'arriscu sanitàriu connessu a s'isvilupu de patologias chi derivant dae agentes virales trasmissibiles*";
- BIDU su decretu-lege de su 23 de freàrgiu de su 2020, n.6 chi cuntenit "*Mesuras urgentes in matèria de cuntenimentu e gestione de s'emergèntzia epidemiològica dae COVID-19*", mudadu, cun modificatziones, in sa lege de su 5 de martzu de su 2020, n.13, a pustis abrogadu dae su decretu-lege n.19 de su 2020 francu s'art.3, comma 6-bis, e s'art.4;
- BIDU su decretu de su Capu de su Dipartimentu de sa protetzione tzivile n.627 de su 27 de freàrgiu de su 2020 chi nùmenat s'u Presidente de sa Regione Sardigna, sugetu atuadore de sos *interventos segundu su OCDPC 630/2020*;
- BIDA sa declaratzione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae COVID-19 est istada valutada comente "pandemia" in cunsideru de sos livellos de isparghidura e gravidade segudados a livellu globale;
- BIDU su decretu lege de su 17 de martzu de su 2020, n.18, chi cuntenit "*Mesuras de afortigadura de su servitziu sanitàriu natzionale e de sustennu econòmicu pro familias, traballadores e impresas connessas a s'emergèntzia epidemiològica dae COVID-19*"; mudadu, cun modificas, cun sa lege de su 24 de abriale de su 2020, n.27;
- BIDU su decretu lege de su 25 de martzu de su 2020, n.19, chi cuntenit "*Mesuras urgentes pro fàghere fronte a s'emergèntzia epidemiològica dae COVID-19*", mudadu, cun modificas, dae sa lege de su 22 de maju de su 2020, n.35 e a manera ulteriore modificadu dae su D.L. n.83/2020, in particolare sos articulos 1 e 2, comma 1;
- BIDU su decretu lege de su 16 de maju de su 2020, n.33 chi cuntenit "*Ulteriores mesuras urgentes pro fàghere fronte a s'emergèntzia epidemiològica dae COVID-19*" e publicadu in sa Gazzetta Ufficiale n.125 de su 16 de maju de su 2020, mudadu, cun modificas, cun sa lege de su 14 de triulas de su 2020, n.74 e a manera ulteriore modificadu dae su D.L. n.83/2020;
- BIDU su decretu lege de su 19 de maju de su 2020, n.34 "*Mesuras urgentes in matèria de salute, sustennu a su traballu e a s'economia, e puru de politikas*



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

*sotziales connessas a s'isvilupu de s'emergèntzia epidemiològica dae COVID-19*", mudadu, cun modificas, cun sa lege de su 17 de trìulas de su 2020, n.77;

- BIDOS            sos decretos de su Presidente de su Consìgiu de s'11 de làmpadas de su 2020, de su 14 de trìulas de su 2020 e de su 7 de austu e sos allegados relativos;
- BIDAS            sas ordinàntzias de su Ministru de sa Salude de su 30 de làmpadas de su 2020, de su 9 de trìulas de su 2020, de su 16 de trìulas de su 2020, de su 24 de trìulas de su 2020, de su 30 de trìulas de su 2020, de su 1 de austu de su 2020, de su 12 de austu de su 2020 e de su 16 de austu de su 2020;
- BIDU             su decretu lege de su 30 de trìulas de su 2020, n.83 *"Mesuras urgentes connessas cun s'iscadèntzia de sa declaratzione de emergèntzia epidemiològica dae COVID-19 deliberada su 31 de ghenàrgiu de su 2020"*;
- BIDU             su decretu lege de su 14 de austu de su 2020, n.104 *"Mesuras urgentes pro s'u sustennu e su rilàntziu de s'economia"*;
- BIDU             su decretu de su Presidente de su Consìgiu de sos Ministros de su 7 de cabudanni de su 2020 e allegados relativos;
- BIDU             su decretu-lege de su 7 de santugaine de su 2020, n.125, chi cuntenit *"Mesuras urgentes connessas cun sa pròroga de sa declaratzione de s'istadu de emergèntzia epidemiològica dae COVID-19 e pro sa sighida operativa de su sistema de allerta COVID, e puru pro s'atuatzione de sa direttiva (UE) 2020/739 de su 3 de làmpadas de su 2020"*, mudadu cun modificatziones dae sa Lege de su 27 de santandria de su 2020, n.159;
- BIDU             su decretu-lege de su 28 de santugaine de su 2020, n.137, chi cuntenit: *"Ulteriores mesuras urgentes in matèria de tutela de sa salute, sustennu a sos traballadores e a sas impresas, giustitzia e siguresa, connessas a s'emergèntzia epidemiològica dae Covid-19"*, mudadu cun modificatziones dae sa Lege de su 18 de nadale de su 2020, n.176;
- BIDU             su decretu-lege de su 18 de nadale de su 2020, n.172, chi cuntenit: *"Ulteriores dispositziones urgentes pro fàghere fronte a sos arriscos sanitàrios connessos a s'isparghidura de su virus COVID-19"*, mudadu cun modificatziones dae sa Lege de su 29 de ghenàrgiu de su 2021, n.6;
- BIDU             su decretu-lege de su 5 de ghenàrgiu de su 2021, n.1, chi cuntenit: *"Ulteriores dispositziones urgentes in matèria de cuntenimentu e gestione de s'emergèntzia epidemiològica dae COVID- 19"*;
- BIDU             su decretu-lege de su 14 de ghenàrgiu de su 2021, n.2, chi cuntenit: *"Ulteriores dispositziones urgentes in matèria de cuntenimentu e preventzione de s'emergèntzia epidemiològica dae COVID-19 e de acumprimentu de sas eletziones pro s'annu 2021"*;
- BIDU             su decretu-lege de su 12 de freàrgiu de su 2021, n.12, chi cuntenit: *"Ulteriores dispositziones urgentes in matèria de cuntenimentu de s'emergèntzia epidemiològica dae COVID-19"*;



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

- BIDU su decretu-lege de su 23 de freàrgiu de su 2021 n.15, chi cuntenit: *“Ulteriores dispositziones urgentes in matèria de ispostamentos in su territòriu natzionale pro su cuntenimentu de s'emergèntzia epidemiològica dae COVID-19”*;
- BIDU su Decretu Lege de su 13 de martzu de su 2021, n.30, chi cuntenit: *“Mesuras urgentes pro fàghere fronte a s'isparghidura de su COVID-19 e interventos de sustennu pro traballadores cun figios minores in didàtica a distàntzia o in barantena”*;
- BIDU su documentu chi cuntenit “Preventzione e risposta a COVID-19: evoluzione de s'istrategia e pianificatzione in sa fase de transizione pro su perìodu atòngiu-ijerrale” predispostu dae su Ministèriu de sa Salute, dae s'Istitutu Superiore de Sanidade, dae su Coordinamentu de sas Regiones e Provìntzias Autònomas chi frunit elementos generales pro afortiare sa *preparedness* pro fàghere fronte a sas infetziones in s'istajone atòngiu-ijerru de su 2020-2021 (prot. 7474 de su 12 de santugaine de su 2020 Cunferèntzia de sas Regiones e de sas Provìntzias autònomas);
- BIDU su decretu de su Presidente de su Consighiu de sos Ministros de su 2 de martzu de su 2021, chi cuntenit: *“Ulteriores dispositziones ativas de su decretu-lege de su 25 de martzu de su 2020, n.19”*, mudadu, cun modificatziones, dae sa lege de su 22 de maju de su 2020, n.35, chi cuntenit *“Mesuras urgentes pro fàghere fronte a s'emergèntzia epidemiològica dae COVID-19”*, de su decretu-lege de su 16 de maju de su 2020, n.33, mudadu, cun modificatziones, dae sa lege de su 14 de triulas de su 2020, n.74, chi cuntenit *“Ulteriores mesuras urgentes pro fàghere fronte a s'emergèntzia epidemiològica dae COVID-19”*, e de su decretu-lege de su 23 de freàrgiu de su 2021, n.15, chi cuntenit *“Ulteriores dispositziones urgentes in matèria de ispostamentos in su territòriu natzionale pro su cuntenimentu de s'emergèntzia epidemiològica dae COVID-19”*;
- TORRADAS A CRAMARE sas Ordinàntzias pretzedentes pròpias emitidas in cunforma a s'articulu 32, de sa lege de su 23 de nadale de su 1978, n.833 in tema de mesuras pro sa gestione de s'emergèntzia sanitària ligada a s'isparghidura de sa sìnrome dae COVID-19;
- TORRADU A CRAMARE su cuntenutu de s'ordinàntzia pròpia n.5 de su 5 de martzu de su 2021;
- CUNSIDERADU s'isvilupu de sa situatzione epidemiològica, su caràtere isparghidore de s'epidemia a manera particolare e sa crèschida de sos casos in su territòriu natzionale;
- BIDA sa tzirculare de su Ministèriu de sa Salute n.3787 de su 31 de ghenàrgiu de su 2021, chi at comente ogetu: *“Aggiornamentu subra de s'isparghidura a livellu globale de sas variantes noas SARS CoV-2, valutatzione de s'arriscu e mesuras de controllu”*;



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

- BIDA s'ordinàntzia de su Ministru de sa Salude in data 27 de freàrgiu de su 2021 chi cuntenit "*Ulteriores mesuras urgentes in matèria de cuntenimentu e gestione de s'emergèntzia epidemiològica dae COVID-19 in sa Regione Sàrdigna*";
- BIDA s'ordinàntzia de su Ministru de sa Salude in data 19 de martzu de su 2021, cun sa cale a sa Regione Sàrdigna sessant de si aplicare sas dispositziones segundu s'ordinàntzia de su Ministru de sa salude de su 27 de freàrgiu de su 2021 e in cunsighèntzia, a sa Regione matessi, in cunforma a s'art. 1, comma 1, de su decretu lege de su 13 de martzu de su 2021, n.30, si àplicant sas mesuras segundu sa g.n. "zona in colore de arantzù", comente disciplinadas dae su Capu IV de su decretu de su Presidente de su Consighiu de sos Ministros de su 2 de martzu de su 2021;
- CUNSIDERADU chi, mancarì sas mesuras finas a como adotadas epant permitidu unu controllu eficatze de s'infetzione, s'esàmene de sos datos epidemiològicos dimustrat chi sighit a livellu natzionale una trasmissione difusa de su virus e pro cussu devet èssere leada ogni misura de preventzione e controllu netzessària;
- CUNSIDERADU chi sa Regione Autònoma de sa Sàrdigna, pro cuntènnere sa tzirculazione de su virus, at aviadu su screening de massa in su matessi tempus a sa campagna vatzinale;
- APRETZIADU de dèvere adotare ogni misura ùtile pro evitare chi s'acumprimentu de sa campagna vatzinale e de screening potzant èssere dannizadas dae sa crèschida eventuale de sos contàgios;
- APRETZIADU chi sas situatziones finas a como espostas integrent sas cunditziones de etzetzialidade e netzessidade de tutela de sa salude pùblica urgente, indiritzadas a cuntrastare e cuntènnere s'isparghidura de su virus;
- CUNSIDERADU chi sas dimensiones subranatzionales de su fenòmenu epidèmicu e s'interessamentu de prus àmbitos in su territòriu natzionale faghent netzessàrias mesuras indiritzadas a garantire s'atuatzione de sos programmas de profilassi elaborados in sede internatzionale e europea, graduende sas mesuras segundu s'ispetzifitzidade de su cuntestu territoriale interessadu, cunforma a sos printzìpios de sensu, proporzionalidade e adeguatesa a s'arriscu presente de a beru in su territòriu regionale;
- CUNSIDERADU chi s'art.57, comma 4 de su DPCM de su 2 de martzu de su 2021, istabilit chi "sas dispositziones de su decretu presente si àplicant a sas Regiones a istatutu ispetziale e a sas Provìntzias autònomas de Trento e de Bolzano a manera cumpatibile cun sos Istatutos respetivos e sas normas relativas de atuatzione";
- DADU ATU de sas potestades primàrgias atribuidas a sa cumpetèntzia regionale dae sa Lege Costituzionale de su 26 de freàrgiu de su 1948, n.3;
- ATESU chi faghet parte de sas cumpetèntzias primàrgias de sa Regione Autònoma de sa Sàrdigna riferidas a sas matèrias torradas a pònnere a sa potestade legislativa e amministrativa pròpia e, pro issa, tochet a su Presidente de sa Regione Autònoma de sa Sàrdigna, puru in calidade de Autoridade Sanitària



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

Regionale, valutare e apretziare sos interventos netzessàrios pro sa tutela de sa salute pùblica;

- TORRADU A CRAMARE s'articulu 2, comma 1, litera a), de su decretu lege de su 7 de santugaine de su 2020, n.125, mudadu cun modificatziones dae sa lege 27 de santandria de su 2020, n.159, segundu su cale *“pro garantire s’acumprimentu in cunditziones de siguresa de sas atividades econòmicas, produtivas e sotziales, sas regiones còmpidant cun cadèntzia fitiana s’andamentu de sa situatzione epidemiològica in sos territòrios pròpios e, in relatzione a tale andamentu, sas cunditziones de adeguatesa de su sistema sanitariu regionale. Sa Regione, informende in su matessi tempus su Ministru de sa Salute, podet introduire mesuras derogatòrias restritivas cunforma a cussas dispostas in cunforma a s’articulu 2 matessi, ossiat, ebbia in sos casos e in su rispetu de sos critèrios prevididos dae sos decretos tzitados e de intesa cun su Ministru de sa Salute, puru ampliatives”*;
- APRETZIADU de dèvere providire unu sistema idòneu de cuntenimentu de sa tzirculatzione de su virus, a salvaguardia de sa salute de sos tzitadinos sardos, chi interesset sena distintzione peruna totu sos biagiadores chi acudint dae s’èsteru e dae su restu de su territòriu natzionale, in sos cales sa tzirculatzione de su virus est galu manna meda e, segundu sas rilevatziones ùrtimas, in crèschida costante;
- APRETZIADU indispensàbile, in funtzione de cuntrastu a su covid-19, dispònneru in sos cunfrontos de totu sos passigeris chi intendent intrare in su territòriu regionale ulteriores mesuras de preventzione galu de prus restritivas;
- APRETZIADU chi in resone de sa cundizione insulare de sa Sardigna, de sa cantidade limitada cunsighente de puntos de atzessu e de su dimensionamentu de su servitziu sanitariu regionale, chi - pro cantu afortigadu a manera manna meda in sas istruturas e in sos repartos prus a totu dedicados a sa cura de sas patologias dae covid-19 - non diat a pòdere fàghere fronte a sa cumentzu torra de s’isparghidura virale cun nùmeros a manera esponenziale superiores a sa capatzidade pròpia de erogatzione de prestatziones, aparet semper e cando netzessàriu unu sistema de controllos preventivu afortiadu pro sos arrivos pro filtrare galu de prus sa possibilitade de tzirculatzione virale noa;
- APRETZIADU de dèvere adotare, cun ordinàntzia pròpria, sas mesuras netzessàrias de cautela indiritzadas a cuntènnere s’esposizione a s’arriscu de isparghidura epidemiològica de su virus Sars- CoV-2 e de sas variantes suas, cunsighente a sa regulamentatzione mudada de sa tzirculatzione de sas pessones dae/pro sa Sardigna;
- APRETZIADU indispensàbile, puru pro àere una compidada pretzisa de sos logos de presèntzia prus manna de arrivos pro afortigare a manera cunsighente sa rete territoriale de assistèntzia e sas USCA in funtzione de cuntrastu a su covid-19, cunfirmare sa registratzione de sos passigeris in intrada in Sardigna, finas a sa declaratzione de conguida de s’istadu de emergèntzia, pro mèdiu de sa piattaforma informàtica Sardegna Sicura, segundu sas modalidades chi si podent agatare in su situ istituzionale [www.regione.sardegna.it](http://www.regione.sardegna.it) e in sos *app-store* printzipales pro sistemas operativos iOS e Android;



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

APRETZIADU de dèvere adeguare a sas ulteriores cunditziones epidemiològicas locales mudadas, sas mesuras istraordinàrias a tutela de sa salute de sos tzitadinos sardos pro sa preventzione e su cuntenimentu de s'isparghidura in su territòriu de sa Regione Sardinia de su COVID-19, in cunforma a s'art.32 de sa lege de su 23 de nadale de su 1978, n.833 in matèria de igiene e sanidade;

## ÒRDINAT

- ART.1) S'ordinàntzia n.5 de su 5 de martzu de su 2021 est prorogada finas a su 6 de abriale de su 2021;
- ART.2) Pro totu cantu non disciplinadu a manera espressa dae s'ordinàntzia presente faghet rinviiu espressu a su DPCM de su 2 de martzu de su 2021 e allegados relativos.

Mancari chi su fatu non constituat reatu prus grave, sa no osservàntzia de sos òbligos segundu s'ordinàntzia presente est santzionada comente pro lege (art. 2 de su D.L. 33 de su 16 de maju de su 2020 mudadu, cun modificatziones, in sa Lege de su 14 de triulas de su 2020, n.74).

S'ordinàntzia presente benit trasmitida, segundu sas cumpetèntzias respetivas, a su Presidente de su Consìgiu de sos Ministros, a su Ministru de sa Salute, a sos Amministradores de sas Provintzias de su territòriu regionale, a su Sìndigu metropolitanu de Casteddu, a sos Sìndigos de sos Comunes de sa Sardinia, a su Corpus Forestale e de Vigilàntzia Ambientale, a sos Prefetos de sos Ufìtzios territoriales de Governu de sa Sardinia, a sos Assessoros regionales, a sas sotziedades de gestione aeroportuale, a s'Autoridade de Sistema Portuale de su mare de Sardinia, a sas cumpagnias maritimas e aèreas interessadas e a sos àteros sugetos interessados.

Contra a s'ordinàntzia presente est ammitidu ricursu giurisditzionale a in antis de su Tribunale Amministrativu Regionale in su tèrmine de sessanta dies dae sa comunicatzione, ossiàt istraordinàriu a su Capu de s'Istadu intro de su tèrmine de dies chentubinti.

Christian Solinas



CHRISTIAN SOLINAS  
REGIONE AUTÒNOMA  
DE SA SARDIGNA -  
SISTEMA REGIONE  
24.03.2021 20:53:17  
UTC

Traduzione de s'operadora de s'isportellu linguisticu de Pàdria

Maria Leonarda Correddu